

آبونه شرائطی

ممالك عثمانیه ده سنه لکی (۶۰)، آلتی
آیلنی (۳۰) غروشدور .
ممالك اجنبیه ده سنه لکی (۱۷)، آلتی
آیلنی (۹) فراتقدر .

اداره خانه

باب عالی جاده سنده دائره مخصوصه

اخطارات

آبونه بدلی پشیندر .

مسلكه موافق آثار مع الممنونیه قبول
اولتور . درج ایدله یین یازیلر اعاده
اولونماز .



دینی ، فلسفی ، علمی ، ادبی هفته لاق مجموعه اسلامیه در .

صاحب و مدیر مسئول

اشرف ادیب

باش محرر

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

اخطارات

رساله مزدن آلتدینی کوسترملک
شرطیه بتون یازیلر هر هانکی بر
غزته طرفندن اقتباس اولونه بیلیر .

مکتوبلرک ، امضالرک واضح و
اوقوناقلی اولسی و آبونه صره
نومروسی محتوی بولونسی لازمدر

ممالك اجنبیه ایچون آبونه اولانلرک
آدرسلرینک فرانسز جه ده یازلمسی
رجا اولتور .

پاره کوندردلدیکی زمان نه یه دائر
اولدیغنک واضحاً بیلدیرلمسی رجا
اولتور .

تشیع

ائتلاف مثلثه قارشی جهاد اسلام

قره دکز :

تبلیغات رسمیه :

۲۲ مارت : دوننامزك دون اوده سا كورفزی جوارنده جولانی انساننده ۲۰۲۰ طونلق [پرویدانت] و ۱۵۰۰ طونلق [واستوشنا یاز یوه زدا] نامنده کی ایکی بیوک روس واپوری بوکلی اولدقلری حالده دوننامز طرفندن باطیرلش وواپوزلرک مرتباتی اسیر ایدلشدیر . بوحرکات انساننده [اوچاقوو] استحقاقی جوارنده دشمنك طوریل تحری کیلریتی تعقیباً دشمن ساحلنه دوغری ایلروین کوچك مجیدیه قروواوزور بر طوریلله چاربه رق باطلشدیر . بووقه روسلرک اوده ساوینقولا یه ف لیمانلریله ساحلرینك امرمحافظه سی ضمننده دوکدکلی طوریلرک قوپوپ داغیللسندن حصوله کلدی . مجیدیه قروواوزوری مرتباتی جوارنده بولنان عثمانلی سفائن حریبه سی طرفندن تخلیص ایدلشدیر . دشمن ساحلنده وظیفه مقدسه عسکریه سی ایفا ایدرکن غرق اولان بوسفینه مرتباتك اطوار وحرکاتی هر درلو مدح وستایشه لایقدر . مذکور قروواوزورده بولنان طولرک قارلی کاملاً آلمش وکی دشمن طرفندن یوزدیرلسنه میدان قالمق اوزره طوریلله پارچه لاندلشدیر .

هنای قلع :

۲۱ مارت : بوکون چناق قلعه بوغازینه یاقلاشمق ایسته بن برقاچ طوریل تحری کیسی آتشرملره طرد ایدلشدیر . بوکیلری حمایه ایدن ایکی زرهللی اوزافدن فاصله لی و تأثیرسز برمدت آتش ایدوب چکلمشدیر .

۲۲ مارت : دون چناق قلعه بوغازینه یاقلاشمق ایسته بن دشمن تحری کیلرندن بری بطاریه لرمدن آتیلان مریمی اصابتی نتیجه سی قوم قلعه آچیلرلنده باطلشدیر . ۲۴ مارت : دون بوکون چناق قلعه یه قارشو دشمنك جدی برتشیبی کوروله مشدر . اولکی کون مدخل جوارنده کی بطاریه لرمنه قارشی دشمنك ایکی زرهللی طرفندن انداخت ایدیلن اوج بوزی متجاوز مرملرک هیچ برتأثیر ایلدینی و باله مکس بطاریه لرمنك انداختندن برزرهللیسی ایله بر طوریلدوسنه اصابت واقع اولدینی مختلف رصدات نتیجه سی تحقق ایتلشدیر .

قافاسیه :

۲۴ مارت : قفقاس جبهه سنده : ایش خان شرقنده حدود یقیننده کی ایلری قطعاتنه تعرض ایدن دشمن اون سکز ساعت دوام ایدن شدتلی مصادمه دن سوکره حدودك اونه طرفنه طرد ایدلش و دشمن اراضیسنده طاووسکردك جنوبنده (خصوص) و (پاراکز) جوارنده کی قریه لر طرفردن اشغال ایدلشدیر .

مجاز :

۲۰ مارت : مارتك سکزنجی کونی برانکلز قروواوزورینك حجاز ساحلنده مویلیخ قصبه سنه بومباردمانله عسکر چیقارمق خصوصنده کی تشبیه منع ایدلیسی اوزرینه ایرتسی کونی اشبو قروواوزور تکرار مذکور قصبه یی بش ساعت بومباردمان ایدرک بالخاصه هدف اتخاذایتدیکی قصبه نك جامع شریفی ایله مناره سی یقمش و برقاچ خانه یی تخریب ایتلشدیر . دشمن بومباردمان انساننده فلیکلری ایله قره به عسکر چیقارمغه چالیشمش ایسه ده جواردن یتیش ساحل مفرزه عسکریه لرمن و مسلح اهالی علیه نك مقابله سیله دشمنه تلفات ویردیرلرک طرد ایدلش و بالآخره قروواوزورده چکلمشدیر . نفوسجه ضایعات یوقدر . یالکیز بردوه یارالاندلشدیر .

مصر احوالی

خليفة ذیشان افندیمن حضر تلری طرفندن اعلان اولونان جهادك مصرده کی تظاهرات و تجلیانی حقنده اخیراً شهر مزه کلن وطنپروران

امتدن دو قنور نصر فرید بك ورفقای مجاهده سی بك شایان نمونیت خبرلر کتیر مشلردر :

جهادك مصرده کی تأثیراتی و اهالی نك حاضر قلری :

جهاد خبری اهالی اسلامیه اوزرنده بویوک برتأثیر و غلیان حصوله کتیر مشدر . هرکس بوخطه مبارکه اسلامیه نك قریباً دشمن استیلاسنندن خلاص بوله جغه ایمان تام ایله مطمئن در . بوتون اخوان دین بویوم سعادتلی دوت کوزله بکله یورلر . خلافت اردوسی قتالی کچر کچمز انلرله برلکده حرکت ایتک اوزره کیزلی کوکلی الایلری ترتیب ایدلشدیر . مصرلی عسکرلر تماس ایدیلرک حقائق احوال کنیدی لرینه اکتایلمشدیر . خدیو کاذبک سرانی احراق ایدلشدیر . خدیو کاذبک مرانیانه و خاشانه لطفقلری ، انکلز اردوسنه کوکلی قیدی تشبیلری مصرلی اخوان دین اره سنده کمال فقرته قارشیلاندلشدیر .

خلافت اردوسنك مظهر فوز و نصرت اولمسی ایچون بوتون مصرده کی اهل اسلام دعا و نیازلرده بولونیورلر . هم بودعالرینی بوکسک سسله منبرلرده اجرا ایتکدن بیله چکنمیورلر . بو خصوصده علما و خطبا بویوک برجلادت و متانت کوستریورلر . انکلزلره قارشی طورمق ، توقیف ایدیلک ، نفی ایدیلک بوکون مصرده بویوک برشرف عد ایدیلکده در .

مصر اردوسی :

مصر اردوسی ، حسیات دیندارانه و وطنپرورانه سی ایله مقام خلافت و بو مقام معلا طرفندن اعلان اولونان جهاد ا کبره قارشی پرورده ایلدیکی حس اطاعت و تبعیتی ایله جداً بزی غریق سرور ایلیمه جک برحاله در . انکلزلرک بو اردودن ذره قدر بر فائده بکله یه میه جکلری ذاتاً ذکر و اتیاندن وارسته بر حقیقتدر .

سودانده کی وضعیت :

سودانده کی مصرلی ضابطانده انکلزلره قارشی قطعی بر وضع علیهداران آلمشدر . برچوق مواعید ایله بولنری الدایتمیه چالیشان انکلزلر خائب و خاسر قالمشدر ، حدت و تهوردن چیلدیره جق برحاله کلشدر . انکلزلرک مصرده کی عموم قوتلری :

انکلزلرک مصرده کی عموم قوتی اوتهدن بریدن طویلانش یتیش بیک کیشی دن عبارتدر . بونک الی بیکی قتالده ، یکر می بیکی ده سنوسلرک بولوندینی حوالیده تحشید اولمشدر . بونلرک ایچنده هندلی مسلمان عسکرلرده واردرک کچلرده بولردن بش بیکی خلافت اردوسنه قارشی سلاح استعمالندن استکاف ایتمشلر و بوسیله بت پرستلره آرله لرنده کی شدتلی مصادمه واقع اولدیفندن فرانسه دارالخربنه کوندیرلشدیر . اسرای عثمانیه یی استقبال :

انکلزلر قتلده اسیر ایتدکلری برقاچ مجاهدین عثمانیه یی سوقاقلرده کزدر امکله هالی یی قورقوتمق ایسته مشلر سه ده تمامیه عکسی نتیجه لر حاصل اولمشدر . اسرای اسلامیه یی اهالی مصریه بویوک اعزاز واکراملرله قارشیلاندلشدیر . هرکس بوکسک سسله : «مرحبا ای میرور ملککر ..» دیه خلیفه اردو سنك عسکرلرینی قوجا قلامق ایسته یه رک حسرت یاشلری آقتمشدر .